



程







武夷藍靜之先生詩序

詩自三百篇至于盛唐幾二千餘載而其體之變不一有離騷有漢魏六朝有盛唐唐之詩人無慮數百家而以杜少陵爲首稱者以其能兼衆體有一飯不忘君之忠也後世言必欲如風雅如離騷如漢魏如六朝如盛唐有能得其彷彿者幾人哉然作詩之道要歸乎可興可觀可羣可怨而已不必論其世也建寧崇安藍先生靜之學行甚高早有用世之志與其弟明之俱



有詩名後登清碧杜先生之門獲聞先輩作詩之法大有所悟遂棄舊習力追盛唐而宗少陵無何遭元鼎之沸八閩繹騷絕意仕進與明之棲遁巖谷更倡迭和消遣世慮凡風雲雨露煙霞雪月林泉木石魚蟲鳥獸以及動作食息人事世故與悲歡憂樂忠憤感激一于詩發之猶梓匠斲輪規圓矩方靡不合乎度猶伶倫調律宮宣商協靡不應乎節由其學之審蓄之厚故發之無不中蓋有少陵遺風讀其詩者亦足以

知其志之存才之所至而惜其時之不遇也明之在

國朝洪武初應詔擢廣西僉憲得以吐胸中之奇以鳴盛治始無負平昔所學而靜之已老不獲少展厥志以隱淪終然而詩名章章豈不足以傳世乎其子仲穆嘗彙所作得六百餘首未及板行而沒諸孫幹等始克鋟梓以傳而蔣易張築倪伯文諸先輩序之已詳今崇安邑宰麗水金君懷復以書來請序其端可謂不沒人善



歷代詩選 序  
而不知所重皆可書也

正統二年丁巳秋八月朔嘉議大夫禮部左侍郎羊城陳璉序

石倉十二代詩選

明詩卷之三十

藍山集

大明

崇安藍仁著

後學曹學佺閱

宿瑞巖寺

再宿東山寺前遊四十年風塵凡幾變衣法已  
三傳竹逕消殘雪松門隱暮煙虎溪送客處尚  
憶遠公禪

寄余復嬰

道士清溪任扁舟久未回井垂霜後橘門掩雨



歷代詩選 晴窗書之  
前苔鳧鳥長相候魚書杳不來虹橋他日宴又  
負紫霞杯

人日偶成

七日本宜晴愁人風雨聲厨煙侵几濕簷瀑隔  
窗鳴楊柳顰何事梅花笑不成呼兒催酌酒一  
醉百憂輕

代毛生答

浮世容身狹韶光過眼非瓦盆盛社酒榭葉製  
秋衣禮樂休拘束漁樵乞放歸前林逐麋鹿未

與素心違

經趙師節故居

五畝城邊宅過門憶往年病拋詩社卷貧索酒  
家錢故道能追轍新聲不改絃鹿門秋月色長  
照德公阡

寄李孟和

同學朝冠士投簪幾日歸里中朱紱少世上白  
頭稀隴黍登新酒池荷足故衣夕陽天際鳥還  
向北林飛



題周子治先世聽雨堂卷

蕭颯階前雨高堂坐夜深  
聲聲羈客耳滴滴故鄉心  
池草難成夢燈花伴苦吟  
西風忒無賴更送遠鴻音

寫懷

門戶艱難久田園寂寞多  
有兒長遠出無酒可高歌  
晚景依松菊秋風襲芰荷  
平生耕學志到此兩蹉跎

其二

辛苦憐愚子他鄉久滯留  
斑衣頻入夢白髮更多愁  
汀樹寒聲早籬花晚色幽  
重陽一杯酒歸趣故園秋

春日

陋巷斷人行柴門不用扃  
衰年栢酒綠春日菜盤青  
強飲隣翁對長歌稚子聽  
午窗閒試墨只寫相牛經

閒詠

衰病身爲累窮愁歲又除  
枕干隣境靜卜宅遠



歷代詩選  
明藍靜之  
三  
村居海舶追編戶山田責簿書有兒長不暇休  
問過庭疎

其二

散步尋詩社驅愁借酒兵雪寒松不改煙暖草  
微榮已卜槃中隱休傳谷口耕素琴將在手得  
趣自希聲

題伯穎雲林茆屋圖

中林避世士茆屋一間雲雨笠尋芝采晴窗究  
典墳竹深羊仲至瓜熟邵平分但有卑棲處長

隨鹿豕羣

秋江待渡

野水蒼茫夕雲山慘澹秋暫停征路策遙喚隔  
溪舟茆店關門早僧鐘出寺幽衰年懷遠道禁  
得暮歸愁

偶成

有力皆從戍無資亦轉官明時同際遇老境自  
艱難地遠春多瘴林深晚更寒灑西禾未得牛  
瘦稻畦乾



題吳德暘山水小景

雲山分遠近水石助清幽老眼看名畫深懷似  
故丘草迷行鶴逕藤引釣魚舟賣藥忘機者無  
人識百休

送程志玄入山

西山入武夷峰轉路透迤月下驟黃鶴風前歌  
紫芝石泉宜洗耳丹竈遠尋師老我空慚汝塵  
埃未有期

次雲松訪復嬰宿萬年宮

聞道神仙叩洞門清溪古木路斜分桃花滿地  
飛紅雨橋樹高崖漲綠雲講罷先天燿篆冷夢  
回斜月玉笙聞高秋也欲扶衰病共候山中白  
馬君

擬登武夷昇真不果

三十六年懷此山重來白髮換朱顏庭栽松樹  
參天長舟逐桃花失路還人世又經滄海淺仙  
家長與白雲閒丹爐尚許尋餘藥蛻骨蒼崖翠  
壁間



病起偶成

春來春去太匆匆九十光陰卧病中緩步也愁  
平地險加餐不與舊年同生憎野草侵人綠可  
惜殘花過眼空昨日隣家偶相值不知何處一

衰翁

適南峯寺

杖藜驚起鹿麋羣古寺尋幽日乍曛山礪雪添  
三尺水竹房僧借半間雲林深已覺嵐光重市  
遠都忘俗事紛彷彿廬山還栗里過橋疑有虎

聲聞

九日西莊懷弟

衰年無力遠登臨短杖扶持叩竹扃雨過林間  
雙澗碧雲消天際一峯青黃花寂寞憎詩瘦白  
髮淒涼畏酒醒心把茱萸思骨肉雁聲孤起夕

陽江

擬時事經故居

世事浮雲變換多歸耕仍覓舊煙簑城邊老屋  
他人任溪上荒園此日過社燕已非尋主入林



鶯還是爲誰歌角巾喜有隣翁在閒與庭前盼  
樹柯

書懷呈時中

詩書耕稼趣難忘訓子呼孫也自忙盡日不談  
當世事衰年還寫養生方菜羹蔬食時偏爽莞  
席藤衾夢更長近喜隣居彭處士休官相伴老  
柴桑

追懷天壺舊游用前韻

天壺不似在人寰湧翠飛流面面寒石逕似梯

岡鳥上洞門無鎖有猿看何年瑤草尋金礪舊  
日仙桃捧玉盤宴罷流霞分手後獨因高興更  
憑欄

懷張兼善

社酒醒來曾送客秋山望斷未還家雨聲門巷  
蕭蕭葉霜信園林采采花念我草堂初伐木候  
君松逕自煎茶角巾藜杖隨詩興十里青山日  
未斜

贈吳彥敬



卜居何論買山錢喜有南隣二仲賢門徑新開  
初種竹池塘分斷半栽蓮客來酒缶牆頭過兒  
學書籤架上懸况是世交同繼業林間猿鳥倍  
欣然

贈薛鍊師

汪月開先居西山數年後往金蟾峯解  
化有識云三十年後吾當重來相見故  
及之

長年何處得真傳徑入名山住十年共說墨符  
能役鬼又參丹訣擬神仙吹簫坐久雲生石鍊  
藥眠遲月滿天我亦願遊方外者安期應笑早  
華顛

次韻雲松西山春遊

摩挲老眼倦編蒲雨過山窗兀坐孤松帶浮雲  
張翠葢草承殘露綴明珠鳥鳴轉覺林塘靜花  
發方知節候殊張籍題詩工古澹愛來同賦輞

川圖

催黃仲文寄南山別墅圖



歷代詩選 卷三十一  
一段南山畫不成王維天趣與經營水清磐石  
思垂釣花落空村見偶耕青嶂白雲仙掌迥淡  
煙疎雨輞川明欲催下筆留真迹先許題詩助  
有聲

寄雲松

雲松隱者巢居處上有屏山下籍溪花逕夕陽  
眠鹿豕釣磯春雨集鳧鷖十年種木春林遠萬  
卷藏書草屋低久欲相從叩羲畫負苓長往碧  
巖西

紙被

採得仙巖不老藤蒸雲煮雪揭輕冰光浮一片  
昆山玉煖壓三冬內府綾衣被生靈真有道卷  
舒明晦亦堪徵衰年朽骨寒尤甚白擁蒙頭到  
日升

寄林信夫

一官江北佐鳴絃消息時因過客傳不信阮生  
悲失路自甘陶令賦歸田榕窗茶熟煙棲屋荔  
浦帆歸月在船憶昔過門慚一仲蒼蒼風景舊



山川

九日書懷寄余復嬰

自摘黃花泛石泉  
 南山對我興悠然  
 功名不是平生事  
 詩酒難忘未死年  
 更老定知形似鶴  
 苦吟方鍊骨成仙  
 武夷九曲秋風裏  
 一嘯洪崖共拍肩

賦網巾

白頭難掩雪霜蹤  
 纖手穿成絡索同  
 映帶暮年徵叟鑠  
 遮藏秋色久蓬鬆  
 牽絲祇訝蛛臨戶  
 覽

鏡翻慚鶴在籠  
 便與黃花相見好  
 寧愁破帽落西風

代題六朝遺秀圖

石頭城下轉孤蓬  
 滿眼興亡六代宮  
 吳晉山川非舊國  
 宋齊陵墓但秋風  
 犧牲不入諸天界  
 花月高歌永夜中  
 欲問漁翁渾不識  
 年年江上蓼花紅

挽雪舟鍊師

三年屢報枉柴門  
 一日俄傳起土墳  
 棺舉空衣



歷代詩選 明藍清之 十一  
無弟子匣藏遺劔有諸孫鑑湖一曲秋風與庾  
嶺千枝夜月魂化鶴縱歸華表上人民城郭更  
堪言

題秋山訪隱圖

草堂聞有故人尋野店山橋轉石林耿耿白雲  
行逕遠蕭蕭黃葉閉門深脫巾自漉牀頭酒賣  
藥新修壁上琴世事匆匆良會少一宵論盡十  
年心

寄明之弟

秋風長作客南望一沾巾茆屋生春草歸來相  
對貧

南村

亂來村野幾家全近長丁男亦戍邊辦得軍裝  
牛也賣門前荒草是官田

除夜憶小兒泊峽口

除夜孤燈對短篷浮生元不定西東斷猿何處  
驚殘夢風雨瀟瀟宿峽中

滁州作



移根巖壑帶風煙千丈干霄野老傳莫向長安  
城下種王孫只擲賣花錢

秋山道中

門前虎跡山家曉林杪猿聲客路秋古木寒煙  
孤戍近小橋流水數村幽

重賦紙帳

數幅秋藤拂地齊匡牀間對竹爐低山中一枕  
梅花月不識雞聲送馬蹄

次韻雲松雨中書懷

雲深不見樹頭山偶對朝暉一破顏處處林塘  
春水滿此心猶愧白鷗閒

其二

蓬蒿不剪藥畦荒午夢醒來草滿堂幾樹幽花  
都落盡祗應風雨妬年荒

其三

生涯谷口子真田詩興門前阿對泉不信老年  
無一事夕陽窗下理殘篇

書懷



歷代詩選 明藍青本  
世事春冰漸漸消不知今日有明朝留連老景  
尋詩卷料理衰顏種藥苗

贈雲壑

望水尋山不憚遙白雲紅樹喜相招夢回茆屋  
瀟瀟雨又得留君住一宵

病中

朽骨不禁風露冷衰容更畏雪霜繁呼兒欲問  
春深淺柳絮梨花已滿園

其二

暖日茆簷病骨輕杖藜徐起踏青行一聲似曲  
穿花過何處飛來谷口鶯

題小幅雪景

湖邊倒樹玉爲槎樹底茆簷路半斜飢鶴翅寒  
飛不去伴人閒立看梅花

題荷池白鷺

西風雨過藕花稀湛湛池波見雪衣老眼不知  
元是畫移筇欲近畏鷺飛

黃仲文寄墨竹



一幅飛鷺寫輞川高情相許已三年春風傳得  
平安報剪與淇園半畝煙

石倉十二代詩選

明詩卷之三十一終

藍澗詩集序

余初入閩識藍靜之氏知其有詩名而弟明之  
資稟秀異記誦明敏心固期其遠大矣未幾余  
授館邑中而明之時來切磋問辨以進其所不  
及又以市塵紛冗廼往西山庵端坐讀誦者終  
歲猶以爲未得名師友遂下三山習舉子業業  
成而歸時清碧杜先生隱居平川崇尚古學明  
之從兄俱往師焉先生授以任叔植詩法始悟  
舊學之非先生已矣師文蔣先生居鶴田復往



歷代詩選 月  
執弟子禮自爾明之學日益進詩日益工余故  
美其超然不可追逐而時輩亦罕有能及之者  
嘗試于有司不利復值難途弃去科舉學刻意  
于詩凡景物之動興時事之興懷靡不干于詩發  
之騷人才士入閩者咸與之吟咏輒加敬服然  
隱處山林率多平淡之音窮苦之辭未足以展  
其英邁也有司求賢首膺薦剡馳驛赴京授以  
西廣憲僉于是溯大江汎湖湘望九疑度桂嶺  
歷諸管凡山川之奇崛城郭之壯麗今昔之興

廢聖賢之遺跡時事之變遷可喜可歎可驚可  
愕悲憂慷慨發爲長篇大章清詞麗句始大快  
其生平之願盡吐其胸中之蘊而詩道之踴躍  
不可以尋尺計矣夫遠遊周覽以昌其詩者幸  
也客歿他鄉不永天年者不幸也幸與不幸皆  
天也非人所能爲也又何置欣戚于其間哉其  
友人上清程芳遠與明之交最厚嘗哀集其詩  
分類成篇付其子姪刻而傳之鶴田先生序之  
詳矣余復何言而識其後如此雲松樵叟張榘



題

石倉十二代詩選

明詩卷之三十一

藍澗集

大明

崇安藍智著

後學曹學佺闕

擬貧士二首

蠨蛸網我戶  
 蟋蟀號我壁  
 被褐不掩脛  
 采薇豈充食  
 歲有飢寒憂  
 巷無車馬跡  
 豈知曠達觀  
 不以貧病迫  
 昔聞孔顏聖  
 亦有陳蔡厄  
 澹然忘世慮  
 絃歌自朝夕

蓬門有一士  
 被褐恒苦飢  
 朝飲南澗流  
 暮食西



山芝雖有二頃園蕪穢亦不治妻子共寂寞彈  
琴詠書詩荒林積雪深古屋炊煙遲高卧自有  
適何必他人知

客建上將歸山中留別錙典籤

入山願遠遊出山願早歸羈懷苦無悰芳序倏  
已非瀾瀾江海流紛紛花絮飛清霜變玄髮游  
塵化緇衣艱危迹易乖少壯心轉違雲鴻每獨  
往梁燕當疇依野樹滯殘雨荒臺澹斜暉浩歌  
綠水曲空拂黃金徽

宿田家望武夷山

仙崖蓄靈異恠石盤空曲一水隔花村千峯入  
茆屋金芝暖逾秀瑤草寒更綠雲中武夷仙一  
一顏如玉白馬去不歸玄猿叫相逐昔陪丹丘  
侶酣歌紫霞谷雞鳴洞天曉落月在林木空瞻  
仙子高舊夢那可續荒林激悲風日入對樵牧  
佇立望歸雲解衣田舍宿

暮宿田家作

木落寒天正山空日將暮荒林倦鳥歸亂水行



人渡窮年滯草莽短褐被霜露晚宿依田家主  
人情亦故汲水泉滿澗燒竹烟在戶鐘殘溪上  
村月照階前樹濁酒初漉醅嘉蔬亦時具且慰  
飢渴懷况諸村野趣老翁八十餘有子歿征戍  
秔稭歲莫收官司日加賦我願息兵戈海宇重  
農務愧乏經濟材徒然守章句

正月十四日西山感興

久曠山水遊今晨願無違松林收殘雨郊園澹  
朝暉憇澗弄清泚緣岡陟翠微池魚暖始遊岩

花寒尚稀高人坐空堂深竹對掩扉山中聞犬  
吠谷口見樵歸心賞適有契仙遊詎能希賴此  
一樽酒暫然息塵機古來朝市間榮華多是非  
所以首陽士白首甘采薇

風雨不已川流渺漫感事敘懷東我同志  
雲雷中夜興風雨達清旦開門山木昏隱几波  
瀾亂鸛鶴下空庭蛟螭上高岍舟航遠樹杪石  
壁中流半黍豆或漂流蓬蒿乃滋蔓北風不掃  
除南海盡瀾漫廼知兵戈氣鬱結久不散坤軸



歷代詩選 明藍明之 三  
恐歆傾陽烏失光燦傷時轉淒涼涉世正憂患  
微躬愧鳥雀何由塞天漢

暮秋懷鄭居貞

季秋霜露降草木日已衰暮登城門丘遙望滄  
海涯烏鳴求其羣况在遠別離美人顏如玉夢  
寐恒見之飄蕭紫鳳毛照耀珊瑚枝海水不可  
越丹砂詎能期灑灑杯中酒泠泠桐上絲豈無  
一日歡念子平何時少壯難合并流光倏如馳  
悠悠逝川歎渺渺停雲思

廬山

峩峩匡廬山渺渺江湖區下蘊龍虎氣上通仙  
靈都微雲出巨壑飛雨徧海隅崖瀑瀉銀河隨  
風散明珠五老何翩翩蒼然古厓鬚徘徊芝山  
翁彷彿桃源徒芙蓉落日淨白鶴秋風孤靈境  
不可即維舟增鬱紆

湘江晚泊簡孟原僉憲

山秋衡霍空江晚瀟湘淨煙景澹蒼屏芙蓉肅  
明鏡澄波木葉下落日餘霞暎仰聆幽鳥喧俯



覲文鱗泳碧石拐輕舟蒼苔踏微徑林昏出樵  
火寺遠來僧磬景晏傷旅懷地幽慊愚性跡慚  
箕穎高身際唐虞聖三秋持使節萬里奉王命  
恩沾雨露深志仗風霜勁敢辭道路遙况接才  
華盛靜夜發商歌劍光南斗金

泛湘江

逶迤湘水長浩蕩蘭舟遠野曠衡岳秋天空洞  
庭晚芙蓉覆清波荔薜搖翠巘逕轉松林深崖  
傾菊花滿依稀辯村落重疊見丘阪蒼蒼林日  
微悄悄墟煙斷寒魚已入夜棲鳥亦知返旅泊  
愧倥傯塵襟藉疎散山林未如願泉石空在眼  
挂帆望南斗中夜哀歌短

書懷寄示小兒澤

昔我南澗來遂謀西園居瀟瀟桑柘陰下有比  
屋廬交枝轉黃鳥澄波躍文魚花香入戶牖草  
色連階除衡門閉白日高詠古人書日送遠山  
雲心游天地初貧賤固可樂富貴將焉如

河池縣險路



連峰入河池險路徭人村喬木盡參天白日爲  
之昏上有高石厓下有清水源蕭蕭篁竹叢落  
日聞哀猿職當觀民風載驅隰與原瘦馬嘶不  
動瘠童行似奔山川秋氣高鷹隼宜飛騫俯念  
遠人思仰慚父母恩東郊有茆屋時稼繞衙門  
攬轡倦行役徘徊思故鄉

秋山懷友

天寒草木疎落日照平野孤雲西北馳獨鳥東  
南下仰聆寒蟬悲俯見驚湍瀉物情自索莫秋

色正瀟灑良朋久相違離思何由寫

爲陳叔原題漁樵圖

武夷老人年七十晝業漁樵夜妻織有兒長大  
不讀書采山釣瀨供衣食此翁自是神仙徒牀  
頭酒香不用沽生逢太平少征歛雖有生產無  
官租昨朝自携書一束過我衙門看秋菊新圖  
蒼莽煙水寒復有疎篁間枯木一客負薪山路  
長一客榜舟漁在梁荒林無人日未落偶坐有  
意俱相忘知君老去猶愛此能以安閒遺孫子



愧我十年塵土間按圖欲借溪南山

秋堂圖爲陳原謙賦

故人家在臨川曲獨向秋山結茆屋太平海宇  
尚文治白日弦歌在空谷賈生亦有政事書杜  
陵何必成都居直從五雲叫閭闔豈顧萬里勞  
舟車東南烽火連城郭迴首松筠隔丘壑曳裾  
久食諸侯門仗劍暫入將軍幙將軍一戰復城  
池五馬仍持太守麾掉舌已能平亂境苦心端  
爲撫瘡痍黃花紅葉公庭靜夜涼却憶秋堂典

山童掃葉月侵階野老閉門雲滿逕晴窗示我  
方壺圖匡廬彭蠡秋風初故鄉未報洗兵馬扁  
舟何處尋鱸魚我家卜築西窗下兄弟連牀書  
滿架石田春暖蕨薇香竹屋燈寒風雨夜自從  
淮海戰塵昏官府誅求政令煩無人問字日携  
酒有吏催租夜打門山林雖好難容跡明年擬  
作江東客直道何須光範書匡時空負劉蕢策  
人生須作遠大期丈夫豈惟鄉里思求田問舍  
徒爲耳富貴功名良有時



雨中柬王幼度

客子清晨卧江閣老樹閉門風雨惡漁舟滿眼  
亂波濤殺氣冥冥塞寥廓地爐火冷席無氍短  
衣百結雙履穿寒食清明不歸去故山松柏空  
雲煙先生適自江東至行李兼旬共留滯登樓  
王粲謾多才獻策劉蕡甘下第三鱣聊爾擁臯  
比一鶚未負風雲期青春白日麟鳳遠長林豐  
草豺狼飢十年烽火暗南極戎馬紛紛未休息  
朝廷耆舊困草萊鄉里兒童誇膂力我今旅食

向孤城君亦胡爲念遠行人生只在意氣合世  
亂未覺文章輕野人豈知天下事杜宇夜啼花  
滿地狂如賈誼惟痛哭貧似揚雄空識字昨夜  
封書與雁歸妻孥應怪苦回避丈夫磊落志千  
載一日窮途何足悲

題鄭德彰員外所藏高彥敬畫楚江春曉

圖

旭日未出羣山昏蒼茫楚江多白雲芳洲無人  
采蘅杜落花飛絮春紛紛晴嵐滿戶漁家曉花



枝鬢鬚聞啼鳥巫陽夢斷三峽空湘渚愁深九  
疑小文彩風流高尚書如此江山歸畫圖平湖  
煙靄水空濶陰壑松檜天模糊左司郎官何處  
得高堂紫翠生春色是中宜有五湖人一葉扁  
舟蕩空碧風塵兵革浩茫茫對此便欲歌滄浪  
碧梧翠竹生高岡豈無彩鳳鳴朝陽

送閩憲史丘子胤回三山

我昔南遊訪蓬島越王城郭生芳草釣龍臺下  
晚潮空道山亭上秋風早朱樓綺戶歌太平邊

塵不驚河水清祗將六籍論經濟何用萬里求  
功名豈信流光不相待風景未殊人事改羞將  
藥裹對青山獨向雲林望滄海浮丘之子黃鶴  
姿羽人曾作滄洲期醉持瑤草渡弱水笑接白  
雲來武夷昨朝別我三山去却憶當年舊遊處  
世事悠悠西浦波愁心歷歷洪塘樹人生行樂  
在青春出門四顧多煙塵少年裘馬誇意氣自  
古文章難致身山川蕭瑟年華晚季子貂裘霜  
雪滿扁舟何處夢相思月落江空雁聲遠



春夜宴伯穎元帥宅題雲林茆屋圖

高堂華燭延賓客，疊嶂層崖寫秋色。五老天寒  
楚樹青，九疑日暮湘雲白。茆屋溪頭何處村，長  
林無人啼鳥聞。嵐侵山市晝冉冉，葉墜霜野晴  
紛紛。清夜高城雷雨作，將軍置酒相娛樂。月黑  
蛟龍起洞潭，山荒虎豹依叢薄。少年愛畫頗入  
神，時危思與煙霞親。故園不歸湖上宅，春樹長  
憶江東人。

題璋上人所藏温日觀墨蒲萄

鮫人織綃翡翠宮，驪珠滴露垂玲瓏。老禪定起  
寫秋影，空山月轉雙梧桐。憶昔初移大宛種，苜  
宿榴花俱入貢。蓬萊別館綠雲深，太液晴波水  
晶重。貝南之谷曇老居，生紙顛倒長藤枯。墨池  
禿盡白兔穎，天風吹墜青龍鬚。祇園馬乳秋初  
熟，點綴鴛湖雲。一幅醉草猶疑懷素狂，寒梅頓  
覺華光俗。野堂千尺手所栽，兵戈蕪沒同蒿萊。  
日斜對畫獨迴首，詩成誰致西涼酒。

雲峰秋霽圖爲方煥賦



茆屋溪頭紅葉村石梁秋水清無痕粉榆過雨  
鳥鳴澗秔稻如雲山對門老翁日高睡未起穉  
子讀書窗戶裏干戈如此賦歛煩雞犬晏然鄉  
曲喜山中酒熟黃花開仙人候我芙蓉臺雲林  
今夜好明月擬跨幔亭黃鶴來

贈武夷魏士達

武夷山水天下無層巒疊嶂皆畫圖山川直疑  
混沌鑿秦漢而下靈仙都中天積翠開宮殿石  
壁虹光夜如電鸞鳳常驟神姥遊猿猴共醉曾

孫宴洞中別有昇真天瓊林遺蛻如枯蟬露盤  
仙掌千年藥春水桃花九曲船萬松岡頭羽衣  
客更入三山采真訣神游不計海天遙夢覺長  
懷海天白歸來高隱萬年宮天香時降雙青童  
道叅元始鴻濛外身寄虛空象緯中嗟予久慕  
煙霞侶天遣空山作詩苦清歌曾遶幔亭雲凍  
筆空題草堂雨金丹擬就玉蟾分木葉西風鐵  
笛聞野老只知堯舜世樵夫或遇武夷君

送鄭彥斌歸新安



越王城頭花似霰越王城下江如練倦客三春  
正憶歸美人千里初相見羨君之才不作官知  
君有酒常開顏朝陽鳴鳳在中野白雲黃鶴懷  
青山王門曳裾今幾載賓主風流擅文彩竹書  
燈火卧西窗玉帳旌旗鎮南海南海魚肥荔子  
香君獨胡爲念舊鄉秋風落葉茆茨晚春草啼  
鴉丘壟荒新安山水東南美洙泗淵源有朱子  
莫將三絕動君王但用六經訓閭里伯也看山  
入武夷清泉白石共題詩約君明日扁舟發爛

醉幔亭溪上月

相逢行贈徐剛中之建寧兼東黃彥美總

帥

去年逢君紫霞洲今日逢君滄海頭逢君處處  
好顏色歎我年年長作客被褐昂藏七尺軀蟠  
胸磊落五車書姑蘇臺北曾走馬越王城南還  
釣魚看花夢想揚州遠採藥歸來杏林晚堂上  
慈親鶴髮長階前兒女鶉衣短見君雖貧不解  
愁結交盡是豪俠流侯門咫尺耻干謁客路尋



常歌遠遊我亦扁舟滯江浦握手相看總羈旅  
千年龍劍蝕塵泥三月鶯花老風雨明日洪塘  
又送君離亭詩思正紛紛黃鱸有酒莫漫醉待  
予同擬梅仙雲

攬秀樓詩爲九江陳仲文作

將軍樓成九江口背倚長江面廬阜雙劍寒光  
列畫圖香爐曉色當窗牖一官作鎮已三年雞  
犬不驚人晏眠案上芸香浮竹簡檻前帆影過  
江船我來正值西風落南望雲松秋萬壑五老

應乘白鶴來諸公不負黃花酌庾亮樓前空薜  
蘿虎溪明月漾晴波一時人物風流盛千古江  
山感慨多絕壁孤煙淨如掃雲錦芙蓉鏡中老  
攬秀長歌太白詩木落江空雁聲小

赤壁

長江西來雨如霧赤壁蒼蒼風雨暮草木猶疑  
橫槩時塵沙尚憶焚舟處烏林渡口下舳艫曹  
瞞已料無全吳陣前部曲奔先王眼中談笑輕  
周瑜君臣謀合士賈勇玉帳旌旗亦飛動樓櫓



晴空煙焰高魚龍白日波濤湧荆門牢落駐殘  
兵野曠不聞鞀鼓聲戰骨秋埋湖外草捷書夜  
報石頭城雄圖霸氣兩消歇地老天荒秋一葉  
石上殘碑過客題沙中古劍漁人得漢王祠枕  
碧山隅諸葛臺荒野鳥呼千年忠義出師表萬  
里江山八陣圖

泛洞庭湖作

昔歌杜甫洞庭作壯思高秋動寥廓天風吹夢  
岳陽樓九月揚帆湖水落中流四望破泠泠遙

天倒浸涵滄溟龍堆千尺雲濤白鼉背一點君  
山青茫茫元氣浩無外巨澤方知百川會錦浪  
愁翻灑瀨深黃流怒擘崑山碎漂吳蕩楚注海  
門吞雲吸夢移山根東南但見日月出咫尺常  
愁雲雨昏輕舟破浪疾如箭瓣香走謁龍王殿  
琴高赤鯉有時逢温嶠然犀那可辯偶然風靜  
波不喧青銅一鏡磨蒼雲舟人漁子雙雙過斷  
雁殘鴉箇箇聞汨羅欲弔懷沙客芳洲誰鼓湘  
靈瑟清淚空餘野竹斑忠魂何許楓林黑古今



萬事共悠悠人生有酒且澆愁喜探禹蹟得奇  
觀濯足滄浪歌遠遊

秋曉南薰亭望隔江羣峰初日宛然如畫  
扶桑西南丹桂林初日照耀羣峰青琅玕墜露  
天杳杳芙蓉隔水秋冥冥我騎瘦馬踏殘雨乘  
涼燕坐南薰亭是時燭龍吐光晶倒景正掛雙  
玉屏祥煙慶雲忽飛動翠旒羽蓋搏紫清恍如  
仙人下雲輶金銀宮闕羅蓬瀛丹青疑對李郭  
畫詭怪莫過山海經江波蕩漾洲渚橫時有鳥

雀啁啾鳴西郊爽氣生檐楹毛髮颯颯通神靈  
重華一去呼不返疑山九點浮青萍黃帝垂衣  
靜西溟杲杲白日中天行湘江之竹鸞鳳聲吹  
作簫韶詠太平

銅雀臺效劉彥炳賦

曹瞞騁志吞劉社銅雀臺高瞰中夏徒知扼腕  
有卧龍豈料垂涎已司馬萬里河山尚出師九  
原魂魄歸何時清秋風雨滿陵樹落日笙歌繞  
總帷翠娥紅袖恩情絕廢冢荒臺狐兔穴空餘



歷代詩選 明藍明之 五  
片瓦落人間千載奸雄磨未滅

送春詞

把酒送春春欲歸落花無言愁不飛天涯萬里  
不忍別杜宇啼乾枝上血離亭芳草色萋萋不  
爲東君絆馬蹄傷心燕子銜將去綠陰細雨簾  
櫳暮小園桃李明年開土牛迎春春早來但願  
花枝長好人長健歲歲年年一相見

落花怨

春風開花花滿枝春雨落花花作泥飄紅墜白  
不解惜裁青剪翠空如迷莫嫌花飛春去早第  
恐春歸人易老狂蝶無心戀故枝遊蜂有意穿  
芳草江上行人去不歸閨中少婦淚沾衣春愁  
縈人無遠近燕子不來花落盡

天涯路

十年一片土云是天涯路路上行人西復東惟  
有青楓記朝暮楓樹摧爲薪行人朝暮新脩途  
傷馬足峻阪折車輪前車已折馬已死後來行  
行殊未已君不見阮籍窮途哭杜陵悲路難夸



父逐日骨已朽穆王八駿何時還年年江水流  
日日黃塵飛天涯路君不歸草根夕露沾人衣

宿橘山田家懷蔣先生

蒼峰落日微白鶴秋風遠客路入疎鐘田家背  
山阪孤煙桑柘寒歸鳥茆茨晚欲覓紫芝翁山  
深白雲滿

曉起

雞鳴庭樹寒白露滿秋草候虫悲夜長愁人起  
常早出門衣常單悵望千里道歸來守衡茆菘

藿猶可飽

西山暮歸

涼葉墜微風秋山正蕭爽天寒獨鳥歸日夕百  
虫響偶從桂樹招途有桃源想石磴闌無人山  
猿自來往

暮歸山中

暮歸山已昏濯足月在澗衡門棲鵲定暗樹流  
螢亂妻孥候我至明燈共蔬飯佇立松桂涼疎  
星隔河漢



歷代詩選 卷之三十一 二  
郊居

郊居頗岑寂疎懶諸愚性  
雨過茆屋涼蟬鳴晚  
山靜坐來塵慮空始覺  
心源瑩月出樵牧還松  
風答清磬

九日病中

伏枕山林遠閉門風雨深  
一秋貧轉甚九日病  
兼侵落葉荒三逕窮愁折寸心  
細看黃菊菜空  
感白頭吟

徐雪舟爲畫藍澗草堂圖

碧草連書屋蒼山對畫圖  
鶴巢秋樹小漁艇夕  
陽孤野色晴初遠溪雲  
淡欲無浮楂倚盤石把  
釣任潛夫

經石堂追懷盧使君

舊隱仙人館曾陪使者車  
那知滄海別不返白  
雲居山雨荒樵徑窗塵  
汗道書傷心庭外竹清  
影漫扶疎

兵後歸西山

亂後歸茆屋晨興步石田  
客愁空日日春色自



歷代詩選 卷三十一 六  
年年風雨啼鶯外江湖去鳥前艱難思故舊回  
首意茫然

復歸西山作

旅寓初回棹幽棲暫閉關桑麻林下宅樵牧雨  
中山小徑看花入孤雲共鳥還時清甘屏迹黃  
綺白商顏

秋雨

秋雨秋逾潤川雲晚更停遠峰明白塔古木暗  
蒼屏野老營茆棟山僧寄茯苓干將塵土蝕猶

有氣冲星

晚步

伏熱草木焦微涼竹林晚天清一鶴高波靜羣  
鷗遠散策不知疲臨流亦忘返月出林影昏疎  
鐘閉山館

秋夕懷雲松先生

夜永倦孤眠竹涼宜小立荒林獨鶴棲破屋疎  
螢入萬壑共秋聲四山惟月色清賞恨不同晤  
言念茲夕



藍澗草堂

橘井雲山北茆齋澗水西聽猿秋樹近捫虱夕  
陽低樵子知愚谷田翁伴醉泥興來時得句自  
向竹間題

聞藍山兄寓滁州

番水初傳信滁山想定居秋吟兼蟋蟀晚飯得  
鱸魚落月滄江濶涼風白髮疎兵戈關塞隔不  
敢問何如

登鳳林寺鐘樓作

樓憑青嶂迥人到上方稀古寺愁春雨疎鐘送  
落暉雲林孤跡遠法界一塵微坐久松風動飛  
花落客衣

山中漫題

讀書期有用閉戶耻無能落葉空山雨疎鐘獨  
夜燈人稱樗里子在近石門僧靜坐觀詩妙須  
叅最上乘

順昌道中

蓐食鳴雞曉空山啼鳥春遠鐘何處寺殘月獨



行人書劍嗟黃髮江湖起戰塵南遊未得意北  
望正傷神

送別趙子將

故人川上別風雨送行舟歲暮歌黃鵠江清見  
白鷗青雲懷楚璧秋水佩吳鉤看爾飛騰志周  
南豈滯留

雪中送舒文質歸廣信

積雪千峰迥空林一鳥歸客愁南浦樹鄉夢北  
山薇風雨荒茆屋兵戈老布衣飢寒兼盜賊出

處寸心違

寄雲松先生隱居

風雨論交舊林塘卜築新幽棲兼令弟高卧愧  
時人竹日明書帙浮雲惹釣緡林居無俗客麋  
鹿自相親

懷川晚立

清川繞縣衙小立共汀沙暝色催歸鳥春愁對  
落花江湖頻戀闕風雨更思家出處成何事惟  
添兩鬢華



宿蘇橋驛

桂嶺愁人地梅花歲暮天孤雲寒雨外獨鳥暝  
鐘前牢落空雙鬢驅馳又一年觀風愧無補爲  
客記山川

柳城道中作

霜氣晚淒淒荒岡恐路迷孤雲桂嶺北落日柳  
城西地暖蛇垂出林昏鳥雀棲蠻鄉經戰伐問  
俗愧遺黎

秋憶西山草堂

山接藍田近泉分橘井清誅茆成小隱鍊藥問  
長生一逕看松入千峰共鶴行誰言江海上歲  
晚戀虛名

宿嚴灘作

水宿傍嚴灘風燈語夜闌鼉鳴潮信早龍過雨  
聲寒病喜江山好貧嗟道路難故園三四口書  
札報平安

浮大江之廣西途中作

慘淡西門別蒼茫廣海行微風孤櫂遠落日大



江清雁帶還家夢雲留戀關情悲歌一迴首出  
處念浮生

浮江望淮上作

萬古長江險秋風短櫂經天連一水白山入雨  
淮青把酒須明月乘槎豈使星雲霄望不極鴻  
鵠正冥冥

書懷酬孟原僉憲

一官辭殿陛萬里越江湖  
暝色青楓近秋聲白雁孤  
書題懷故舊藥裹愧妻孥  
王事兼詩興虛

稱二妙俱

采石舟中寄子正僉憲

共醉黃鱸酒還登采石舟  
澄江晴吐月獨樹曉生秋  
去國一身遠懷鄉半夜愁  
明朝陪使節一上岳陽樓

過太平州作

帶雨辭京口觀風出廣西  
江吞淮樹小城壓楚雲  
低湖冷三秋雁山寒半夜雞  
宦情兼旅思遠愧鹿門妻



歷代詩選  
明藍明之  
三  
觀音巖

石色依廬阜潮音接普陀江雲晴自遠水月夜  
還多鳥爲銜花至龍因問法過瓣香瞻彷彿帆  
影拂嗟峨

恭城縣

十室黃茆邑千峰紅葉村喧卑蠻俗異質朴古  
風存雞犬連徭洞牛羊到縣門殘年歷荒徼遙  
布聖明恩

晚立懷友

野曠行人絕林空墜葉聞客愁當落日詩思入  
寒雲草暗防蛇毒山昏過虎羣梅花萬里道歲  
晚正思君

過雲洞嶺

路出千林迴山連五嶺遙石崖懸度棧野樹卧  
通橋澗飲猶防蠱畚耕盡屬徭夕陽驅瘦馬鬣  
影漫瀟瀟

溪橋晚立

天濶浮雲盡山昏落日微鳥棲當野樹人語共



柴扉歲月且云暮鄉關何處歸隣家響機杼遠  
客歎無衣

宿賀州黃家洞瑞巖寺清溪茆屋悠然有

故山之景

怪石分羣壑清溪共幾家衡門散雞犬古寺入  
桑麻薄宦知無補浮生信有涯白鷗藍澗曲春  
水遶桃花

旅寓

旅寓真如此空堂思悄然秋聲一葉下暝色數

峰連涉世方知命清心已悟禪鏡中窺短髮蕭  
颯感流年

夜雨

多病西風客空堂獨夜愁燈殘江上雨木落嶺  
南秋黃卷知何用丹砂不易求君恩無補報悵  
望惜淹留

贈隱者

風雲蛇陣將山水鹿門居報國曾留劔歸田始  
讀書雁秋湖水落蟬露柳條疎別夢關山遠松



窗夜月虛

雨中

黯黯雲垂野瀟瀟雨滿林晚山歸鳥盡秋草閉  
門深落葉蕭條樹空城斷續砧煩憂兼獨立誰  
識此時心

曉發江上

官舡催曉發浦鳥聞驚飛殘月低清渚疎鐘隔  
翠微晨光初辯樹秋色已生衣萬里慚張翰鱸  
魚未得歸

柳城縣

青山入縣庭小邑但荒城竹覆茆茨冷江涵石  
壁清草虫當戶墜水鳥上階行問俗知無事松  
風一舸輕

出雲藤驛

又出雲藤峽扁舟更向東地蒸秋有瘴江濶夜  
多風旅夢驚啼狄鄉心託斷鴻天涯看月色不  
與故園同

宿陽朔山寺



晚景孤村僻松門試一登秋山黃葉雨古寺白  
頭僧壞壁穿新竹空牀覆舊藤宦情與禪意寂  
寞共寒燈

來賓縣曉發

宦遊同逆旅侵曉逐征途空館殘燈小長江落  
月孤隣雞催去馬城柝起棲烏物色兼人事勿  
勿歲欲徂

柳州道中

窮荒持憲節侵曉策征驂落月千峰外清霜五

嶺南草寒初息瘴林曙欲浮嵐巡歷知無補艱  
難頗自諳

過諸葛古城

諸葛舊屯兵東郊尚古城山餘駐馬跡江有卧  
龍名怪石疑戈甲高雲想旆旌秋風吹大樹蕭  
瑟獨含情

秋夕懷武夷舊業

客路西風晚懷山獨夜愁露寒仙掌月天遠幔  
亭秋落葉他鄉夢啼鳥何處樓歸心似江水千



里向東流

江上別故人

天涯芳草色對酒惜餘春此日滄江別東風白  
髮新落花晴傍馬殘鳥冷窺人勉矣持風紀驅  
車莫厭頻

雨中同孟原僉憲登嘉魚亭

高閣流鶯外荒城駐馬前江寒三月雨春老百  
蠻天折柳悲橫笛飛花落釣船乾坤總羈旅把  
酒意茫然

又

城空花爛熳樓迥雨蕭條毒草春生瘴蠻江晚  
上潮魚肥堪把釣鳳去不聞韶萬里雙持節恩  
波賴聖朝

題聽雪舟卷

彤雲凍合山陰道老鶴虛舟夢瓊島天地無聲  
夜寂寥短篷碎玉風蕭蕭月白江清墜楓葉寒  
重不聞葦葭折明朝洗耳聽清流寫作江湖聽  
雪舟



題子陵圖贈嚴伯新

高臺蒼蒼富春渚老樹凝雲苔色古客星夜入  
紫微垣羊裘暮釣滄江雨大賢隱德辭萬鐘諸  
孫嘯傲江湖中干戈滿地歲將晏展卷山水來  
清風

同程芳遠遊東林寺

東岡石上松林青偶與白雲來此行老僧下榻  
雨花散古寺閉門秋草生八月風高萬籟悉雙  
谿日落千山明歸去橋西一迴首重林杳緲隔

鐘聲

寄張茂叔

黃岡處士舊知名似爾文章老更成芸閣蠹魚  
當夜永蘭苕翡翠共秋清滄江有酒延漁父白  
髮無人薦馬卿春晏蓬萊消息近斗南時有劍  
光橫

遊東林寺

隔谿蘭若有雲任背郭草堂無酒賒秋色琅玕  
亭外竹天香簷蔔座中花千年龍象當山殿八



月鱸魚上釣槎一二老僧皆舊識松根敲火試  
新茶

挽盧憲副卒于海北

繡衣萬里接炎荒白髮中宵殞瘴鄉夢斷玉樓  
江月冷魂飛銅柱海天長樓船歲晚迎歸櫬松  
桂春陰閉草堂欲向滄浪歌楚些山空猿鶴易  
悲傷

簡舊書有感

高閣藏書半不存數篇零落更堪論閉門風雨

梨花盡壞壁塵埃竹簡昏鳴鳳徒勞思盛世獲  
麟何用紀空言文章漫爾疲心力陋巷如愚道  
自尊

拜虛白塔

石逕松林入翠微門人卜此窆空衣流沙幾日  
青雲度滄海千年白鶴歸山鬼夜驚丹氣吐洞  
雷晴挾劍光飛久知生滅元無礙目斷鴿原下  
夕暉

寄余員外從善



歷代詩選 明藍月之 三  
嫋嫋秋風江水波碧雲千里奈愁何空山落葉  
黃昏雨深谷幽人白石歌舉目漸驚朋輩少論  
心偏感別離多船來不得聞清便采采金花滿  
澗阿

病中作

茆屋黃花共寂寥病容詩思總無聊山童夜靜  
分松火道士天寒送藥苗落木荒陂秋澹澹鳴  
雞空館雨瀟瀟仙家瑤草年年長弱水蓬萊路  
更遙

入 七月廿八夜同巢翁石父燕集玄都道院  
是夕雷雨晝晦旣夕星月爛然席上作  
偶與高人讌武夷天空山水漾清輝金盤曉露  
蒲萄酒玉女秋風薜荔衣雷起石堂龍未蟄蟾  
生滄海鶴初歸瑤臺自有長生籙莫歎尊前徃  
事非

和友人見寄

憂國長懷心悄悄讀書空笑腹便便西風秔稻  
雲連屋秋水蒹葭月在船黃葉閉門雙樹老清



溪落日數峰連藍田丘壑題詩處喜有高人住  
輞川

寓秦石村作

盤石垂蘿一逕分野橋流水數家村人煙橘柚  
寒連屋仙掌芙蓉晚對門屢辱故人留藥價空  
煩漁父問桃源多情惟有西溪竹春雨年年長  
子孫

寄野士弘壽南山二左司

久無書札問平安獨向雲霄望羽翰潮落魚龍

三島近月明烏鵲一枝寒斗南共識張華劍林  
下空彈貢禹冠憶別滄江秋已晚黃花紅葉露  
溥溥

次梁天與峻德郎中遊武夷韻

一夕仙橋架綵虹千年洞府闕神蹤清秋沆瀣  
金人掌明月芙蓉玉女峰霧雨至今藏虎豹風  
雷何日化魚龍山中尚有長生藥安得乘雲獻  
九重

經郭先生平川舊居



皓首明時祗布衣孤墳宿草又斜暉塵埃几杖  
遺書盡風雨園林舊業非九曲月明猿自吊三  
山秋晚鶴空歸多情惟有門前水春色年年上  
釣磯

答海月大師貽詩問訊

柴門屢枉故人車草澤元非隱者廬方士許傳  
鴻寶訣名山自讀馬遷書十年兵甲皇威遠二  
頃山田歲計疎賴有忠良扶社稷不勞音問到  
樵漁

送霍拱辰歸建安

文星光彩動皇州博士曾同萬里遊曉日蓬萊  
丹鳳闕西風苜蓿紫霞洲船經吳越千峰雨木  
落瀟湘一雁秋兩地相思各迴首殘蟬衰草共  
離憂

廬山詠懷古跡

匡廬山色枕寒流晉代衣冠尚古丘三徑清風  
陶令宅九江明月庾公樓波吞故國魚龍晚草  
沒荒城虎豹秋聞有東林僧舍近閒尋五老共



清遊

夜泊武昌城下

蒼山斜枕漢江流自古東南重上游  
巫峽秋聲連戍角洞庭月色在漁舟  
白雲黃鶴悠悠思落木啼鳥渺渺愁  
獨夜悲歌形勝地燈前呼酒看吳鉤

吳山懷古

南渡山川王氣消西風松柏認前朝  
紫宸無復千官宴滄海空餘半夜潮  
龍去蓬萊曾駐輦鳳

歸寥廓不聞簫上方樓閣依稀在  
暮雨疎鐘送寂寥

封陽驛

官船早發渡頭沙迴首東風日又斜  
千里雲山橫桂嶺一江春水漲桃花  
荒村雞犬臨欵听細雨鳧鷖傍釣槎  
南望蒼梧煙樹晚鳳韶何處吊重華

宿開建江上懷閩中故人

東風嫋嫋泛鷗波倚棹汀洲近薜蘿  
江上流鶯



歷代詩選 明嘉靖之  
疎雨歇天涯芳草落花多暮雲尚隔蒼梧野秋  
興空懷白苧歌離別不堪頻悵望美人南國意  
如何

呂仙亭

洞庭萬里連滄海石室千年隱翠微華表月明  
笙鶴下蒼梧雲濕劍龍歸城南老樹名空在枕  
上黃梁夢已非倦客遠尋勾漏洞丹砂未就與  
心違

梧州歸至龍門驛作寄諸同志

江轉龍門一櫂輕歸心不爲杜鵑聲斜風細雨  
催離別剩水殘山管送迎但使百蠻稱鎮靜久  
知東海望澄清碧雲日暮蒼梧遠不盡懷人渺  
渺情

寄衡山李中卿

謫仙歸去卧松窠江上飛花送錦袍細寫山川  
成史記更吟蘭杜入離騷洞庭萬里秋風落衡  
岳千峰夜月高欲託瑤琴寄相憶海天清露鶴  
鳴臯



入義寧山中

疎篁古木抱雲岑野店山橋入桂林  
 青草江山春瘴裏落花風雨夜寒深  
 一官便擬歸田計萬里長懷戀關心  
 却憶故人霄漢上霜臺翠柏曉森森

懷西山草堂奉東山中二兄

多年采藥問長生野鶴孤雲入幔亭  
 夜雪梅花虛室白秋風竹簡古書青  
 祗今遠道生華髮何處空山長茯苓  
 喜有藍田雙壁在每從南極望

春星

麻原歸隱圖為程伯崇提學賦

清名奕世荷君恩白髮他鄉卧掩門  
 故國江山愁杜宇孤村風雨憶麻原  
 紅泉釀酒分松腋翠石題詩雜蘚痕  
 歸去茆齋第三谷玉田清露長

蘭菘

題蜀江雨霽圖

瞿塘雨過起春濶空翠樓臺杳藹間  
 萬里橋西花似錦暮雲依舊隔巫山



歷代詩選 明詩卷之三十二  
江上對雨

北辭京國秋將晚南望鄉關路轉遙倦客長江  
對疎雨荻花楓葉正瀟瀟

春日草堂

水色山光澹澹清池塘雨過草初生東風茆屋  
春多少喜聽流鶯第一聲

癸丑元夕柳州見梅憶澤

忽見繁花亂客愁東風寂寞古龍州故園穉子  
無消息坐對寒江月滿樓

石倉十二代詩選

明詩卷之三十二

南雅集

大明

長樂陳伯康著

後學曹學佺閱

陶淵明田居

吾慕陶徵君拂衣輕去就棲鳥戀舊林歸雲忘  
出岫巾車返柴荆環堵植松柳東臯課種苗南  
山歌種荳田父時過門葛巾與漉酒五斗愧折  
腰浮名果何有

登三水釣鼇臺



高哉鈞鼇臺架立幾百尺秋風一登臨浩蕩望  
不極吾聞蘇老澗乃是任公匹投竿江海濱長  
嘯穹宇窄古篆今莓苔佳句餘金石歲月驚逝  
波山川付陳跡牧童暮敲火樵子曉吹笛杖藜  
重夷猶把酒緬疇昔商歌振雲林天空露華白

讀史二首

周公躬吐哺四海心歸仁三叔乃流言豈非骨  
肉親仁人視天下萬物猶一身不仁身奚有况  
復思弟昆棠棣興孔懷鴟鴞念恩勤聖人之所

爲口實徒亂真

趙高利少主矯制誅扶蘇一念誤國人三說惑  
李斯望夷眩鹿馬赤族誠天誅吾聞金日蟬出  
身本降胡霍光受遺詔共負成王圖大哉社稷  
臣戒之用小夫

梁華伯茂餞仲器歸萊山和韻

我居西山前君居南山下居止旣比隣歡笑復  
杯竿雖無籍籍名亦愧栖栖者吾道多艱虞造  
物隨取舍努力少壯時青燈共良夜



汴河隄

汴河隄隄何長隄中水枯隄草黃錦纜牙橋不  
復返車輪馬跡東西忙忙處多人自辛苦過眼  
繁華草頭露文梁猶是楊州門楊州不見瓊花  
樹汴河隄長亭路千古光陰自朝暮

秋千辭

梨花庭院香飄滿架架秋千笑聲軟紅妝共鬪  
青春妍長繩欲繫白日短掌中飛燕旋風斜樓  
外綠珠墜落花素娥弄蟾奔竊藥秦女乘鸞初

去家半空著脚看亦好平地失身更顛倒人生  
行樂貪少年昔時女伴今皆老慵來聽說摧眉  
峰整頓衣裳爲歛容玉樽餘酒醉不得月明高  
架粉牆空

社日

燕子來時二月天家家禱社楓林前香霧遶壇  
散靈雨盃酒豚蹄候神語父老殷勤拜社公但  
願今年年歲豐歲豐不但衣食飽官府租稅亦  
易了了官之餘但力田秋報春祈得社錢



銅爵臺

鄴中高臺鑄銅爵  
碧瓦朱甍照城郭  
東風吹上綵雲高  
君王不愛宮中樂  
年年遊幸朝復暮  
夕陽忽在西陵樹  
舞影歌聲逐水流  
芳草萋萋迷輦路  
總帷尊酒空淚頻  
征西曩是英雄人  
生前已敢無天命  
死後終知有鬼神  
君不見關中魂魄  
猶思沛莫向西陵  
呼萬歲

蘭亭

會稽內史多高情  
山陰脩禊開蘭亭  
晴暉絢綵

射藻井茂林脩竹圍  
春屏山椒引泉碧  
雲裏羣賢結佩臨清泚  
羽觴隨波白日遲  
蠶紙揮毫畢能事  
滔滔逝水隨東流  
絕代衣冠成古丘  
當時絲竹輟遺響  
千年草綠空山秋  
華胄蟬聯天上客  
南鎮雄藩羅畫戟  
揮塵傳杯坐賦詩  
碧瓦朱欄換陳迹  
今之視昔後視今  
今人亦復多古心  
人生富貴行樂矣  
何用屑屑悲死生

北邙行

洛陽城北北邙山  
死者葬送生者還  
人生任世



誰百年舊鬼翻爲新鬼憐高墳纍纍卧羊虎松  
下便房竄狐鼠經年翁仲默有靈夜半遊魂哭  
相語嗟爾遊魂聽我言不須涕淚收爾神洛陽  
車馬日紛綸北邙得葬能幾人黃金白璧買歌  
舞身後無錢置坏土王侯第宅多新主那得丘  
山如子所君不見三閭大夫葬魚腹葬爾北邙  
爾勿哭

明妃出塞圖

昭君生長昭君村漢宮選入昭陽門傾城自負

顏色好薄命不得承君恩朔風吹動羶車發萬  
里遠嫁單于國香夢空迷紫塞雲蛾眉愁對穹  
廬月關山阻隔歸無緣含情掩抑鳴哀弦虎頭  
將軍骨已朽獨餘青塚留千年

鴻門宴

鮑魚吹腥秦失鹿大蛇中斷神媼哭函谷泥丸  
一旦開軹道降人帝車覆江東子弟空八千入  
關有約如王言三章約法慰父老鴻門一宴聊  
殷勤項莊酒酣拔劍舞屠狗壯士怒裂背腰間



寶玦空三回君王不忍徒爲爾夜游霸上杯不  
勝幾踏虎尾行春冰孰知大運終四伯事有天  
定非人能咸陽宮殿火三月玉斗無聲楚歌歇  
霸業蕭條王業成楚漢興亡兩分轍

桃膠香鬟歌

深閨美人春睡起側倚銀臺注秋水鬢鬆兩鬢  
霧半垂欲下犀梳不能理春雲暖雨桃膠香調  
蘭抹麝試新妝豈無膏沐汚顏色思此佳人日  
斷腸君不見望仙結綺螺千斛隋家但寫雙蛾

綠白髮宮人奈老何轉頭依舊庭花曲

思秋江送別圖

江河望在眼關山渺難越客子遲歸期孤權已  
先發天秋木葉丹露夕芳草歇美人勞我思迢  
迢煙水濶

贈洛陽鄧知縣械之京

聞說洛陽令三年政已成循良今漢吏風俗古  
周城驛馬雲山迥官船雪水清朝回去紫闕父  
老定相迎



歷代詩選 卷三十二 六  
寄邠縣喻知縣以貴

寄語邠州長何時過洛中相看兩舍許不得一  
尊同客思瞻秋月鄉書遲早鴻單懷臨別處每  
憾太匆匆

寄遜齋陳景明兼柬東園陳景獻

君家古清友携共阿戎遊遠道隔千里別懷長  
九秋故交如夢覺往事若雲浮最憶東園老相  
思成白頭

白奉和伯弘宗兄韻

喜共江山住相邀不遣童栖遜浮世事寂莫古  
人風步履幽亭上吟詩高閣中濁醪時慰意豈  
必學陶公

泚溪橋美林郎中德齋先生

牛角山鳴泚溪路溪水冬寒不可渡北風幾見  
沙揚塵日夜奔流海東注美人晝錦歸故鄉飛  
梁壓水高行步鄭國公孫陋乘輿蜀中司馬看  
題柱

阮山寺



阮郎舊隱青山裏故宅如今是佛家似有天人  
散花雨若爲溪女飯胡麻南湖秀色明春樹西  
崦晴光賸晚霞老衲每談因果事紅塵滄海使  
人嗟

表姪羅師尚辟四川掾

捷音指日定成都坐見降王屬傳車子去驚傳  
三語掾人來喜得萬金書馬嘶古棧秋風晚舟  
次瞿塘夜雪初若到昇仙駐吟轡不教題柱愧  
相如

遊湧泉寺訪僧不值

萬石岡頭紫翠圍白雲沔水護柴扉石爐火冷  
僧初定野迳苔荒客到稀遶砌山泉浮漱灑隔  
江雲樹入霏微我來豈是參禪者笑倚長松看  
鶴飛

遊神光寺登道山亭讀曾南豐先生撰碑

不見神光解吐虹滿亭苔蘚舊遊空職方諸貢  
歸王會賢守遺碑見土風城郭尚存人物異江  
山如故古今同欲將往事增惆悵望斷煙波沒



去鴻

歌風臺

高臺秋日草荒涼故老猶能說漢皇歌罷三侯  
悲擊筑身居萬乘更思鄉長陵魂魄風雲往原  
廟丹青歲月長往事徒勞增感慨寒城幾度立  
斜陽

月夜江上聞簫

西江短棹倚江干卧聽樓頭玉瑄殘歌斷吳門  
人罷市珮空秦館客憑欄魚龍擾擾秋潮落鸞

鳳雙雙夜月寒聽徹古今無限恨高陽且付酒  
杯乾

靈峰寺

海上神山十二奇高僧卓錫話當時樓臺近映  
黃姑水香火猶存白馬祠山逕嵐開松檜老石  
林風暖荔枝垂野夫未解真如性方外交慚惠  
遠師

次鍾南十兄韻

坐穩臯比身懶動滿庭春雨長苔衣苦吟不信



詩能瘦戰勝方知道解肥春飢滿盤堆苜蓿硯  
池香水貯薔薇疎慵自乏當時望不是孤高與  
俗違

寄淇縣胡知縣原長

悠悠淇水沫之鄉無復詩人賦采唐多士已譚  
周禮樂郎官應選漢循良花栽春雨文書靜竹  
送薰風枕簟涼相望宜陽渾咫尺夷門把別意  
何長

遊西湖登寶東塔過湖山一覽禪房

層層金碧聳煙霞俯瞰樓臺十萬家落日僧餘  
化城飯頻年客喚趙州茶春隄楊柳看泥絮秋  
水芙蓉勝雨花笑我鳳皇臺土客也來趺坐聽  
楞伽

過嘉興嘉禾驛

秀州城下水平河桑繞長隄麥覆坡義士不聞  
傳檣李居人猶見食嘉禾且須鸚鵡杯中物莫  
逐鴛鴦湖上波一笑吳歛掛颿去滿天風雪奈  
儂何



過富春

好山猶記富春名  
碧嶂清波浦縣城  
越樹遙連漁浦暝  
浙江低入海門平  
客星寂莫千年事  
仙權夷猶此日情  
試問吳儂學吳語  
湧金門外好聽鶯

古戰場

此地曾經戰幾塵  
離離荒草不生春  
平沙日落黃雲斷  
燐火如星出近人

立夏喜晴

剝雨殘春送五更  
晴光入夏似相迎  
綠槐門巷南薰細  
又聽新蟬第一聲

重過草亭

池上柳枝新種得  
絲絲金縷曳春暉  
樂天老去風流減  
懶看飛花上舞衣

過洛陽

甲馬營中紫氣消  
銅駝巷陌草蕭蕭  
何人共看天津月  
杜宇無聲夜寂寥

過淮北



長淮岬北駐征驂  
山色回看淨若藍  
爲問故鄉何處是  
三千里外隔江南

餞中書寫誥趙彥珍

奉天錦誥出黃麻  
五色晴雲絢紫霞  
綵筆承恩香染處  
掖垣初日上葵花

送代北鎮撫沈將軍

代北山南十八州  
雁門關頂四時秋  
沈郎帶眼渾依舊  
領得千軍紫塞遊

附陳仲完詩

仲進公從弟諱完以字行有簡齋集

雁門卷

題畫

久憶故人情  
茲焉發幽興  
抱琴渡危橋  
望入藤蘿徑  
溪雨倏已晴  
雲收千嶂淨  
喬木生晚涼  
松濤滿清聽  
之子不我逢  
隔籬雞犬靜

題山水

危峰倚白雲  
秀氣橫青秋  
俯見岷蜀晚  
仰觀河漢汜  
朝日海上出  
蒼然藹林丘  
陽暉散金碧  
陰壑晴光浮  
中有殫霞客  
母乃仙侶儔  
我欲一見之  
道遠從無由  
安得同心人  
携手窮冥搜



湖山佳趣圖

微雨息市氛晴光溢水木暫輟童冠書少豁林  
泉目峩哉南北峰影凌西湖綠嶺外號長松霞  
邊起孤鶩荷香隱綵舟鳥鳴迂絲竹與竝坡老  
遊吟步逋仙躅落日度寒鐘悠然自天竺二

送虞大令之廣濟

六月暑氣盛炎雲朝夕生居家苦蒸鬱况有千  
里行疇昔在家林子時方秀發相去二十年老  
我之華髮子行固不遙宰邑蘄陽間蘄民待新

政稱治良獨難乃祖舊龔黃賢孫今卓魯昭哉

循吏傳視今猶視古

非桑送方教授之樵城

飛雪迷川陸寒飈鳴樹顛連鑣出白下送子歸

樵川憶昨東觀遊同心復同調窮窺秘閣書載

發金門笑大典時云畢對酒成別離孤舟日東

逝後會竟何時君採泮水芹我弄玉堂月曷以

攄所懷鱗鴻未應輟

與陳司訓桃林之會



南飈掃朝雲大日鳴穹昊宗盟列玳筵入我城  
忠道偉茲汗漫期况是同鄉好林深酒氣香葉  
密蟬聲噪暫陪簪紱遊恍若蓬萊到何當駐殘  
陽爲君倒懷抱

愛日堂爲秋官李主事作

冬日旣苦短夏日孰云長流光逐逝波崦嵫倏  
扶桑眷言堂主人秋髮雙垂素志養期無違豈  
在羅三豎吟彼反哺烏啞啞鳴樹顛微物尚有  
情子職寧或愆親壽逮耆願載喜還載懼去日  
不可追來日何由駐安得曾陽戈爲我延夕暉  
誓將日爲歲庶以伸吾私

溪田過雨圖

時雨忽已徧羣山朝來晴溪田漲新綠溝澮悉  
皆盈倦茲天氣暄布穀聲嚶嚶龜勉事東作孰  
計勞其形浩浩谷口麴猗猗丈人情竭來應徵  
辟遠入嵩陽城寫圖想舊業千里雲煙橫

賦得空江秋笛贈鄭浮丘助教

大江白露下秋氣橫中流儵然一笛響遠自江



歷代詩選 明陳伯先 卷三十一 古  
上舟洲前向晚霽涼雨三弄分明作人語思逐  
飛鴻海際來聲隨白鳥雲邊去須臾引羽轉清  
商蘆葉撼撼蒹葭黃鶯迴少婦孤篷夢攪斷羈  
人萬里腸駐宮又復變流徵銀河澹澹天如洗  
猿鶴秋吟絕島雲蛟龍夜吼寒潭水祇今誰識  
桓伊心悠悠人世無知音曲終徙倚重回首落  
月蒼茫煙靄深

石城釣隱

野客隱雲林幽溪遶石城時垂嚴瀨釣絕似渭  
川情月冷舷逾響天高笛倍清滄浪如可濯予  
亦解長纓

題凝清軒

凝清新揭扁軒舍倚雲開爽氣西山入涼颺北  
牖來晝閒泉在沼琴靜月當梅允矣丘中賞符  
茲物外遊

嵩陽詠羅寺晚鐘

諸品上方夕微鐘出瑤嶺聲隨孤鳥空梵逐羣  
機泯時有獨歸僧月明步蘿逕



葛村夕照  
崎嶇葛村路路小行人稀開門帶晚照獨樹留  
餘暉何處笛聲起牛羊迤邐歸

錢唐懷古

邊塵捲地北風遙信馬南來駐六橋汴水故宮  
空有月海門沙澹寂無潮銅駝夜泣霜華冷銀  
雁秋飛王氣消五國城頭魂不返傷心誰賦楚  
詞招

蒲執玉先生植蘭軒

幽軒小構倚雲林植得猗蘭愜賞心九畹餘馨  
留古佩半簾殘露襲寒襟夢回香氣連書幌坐  
久清輝入夜琴與子也知同臭味何妨楚澤共  
行吟

淵林穎上感懷呈王安中陳叔諒陳敬脩暨在  
淵林泮諸友

遙辭紫禁出都門索莫窮居穎上村鄉國音書  
何日到詞林朋舊幾人存夕陽遠水連寒雁落  
月疎鐘呌夜猿自歎浮蹤如斷梗不須惆悵暗



消魂 送文玉姪來青亭

若人棲隱構來青門外諸山儼畫屏白日長懸

徐穉榻清風如造子雲亭松杉雨後雲連壑楊

柳春前水滿汀只恐鶴書天上至草堂從此負

山靈

送族孫格還鄉

拜辭膝下思棲迷望入閩關是故溪莫忘白門

分手處綠楊殘照乳鶯啼

附陳思孝詩

諱登仲進公之長子也 有石田集

賜元夕觀燈

鼇聳三神秀巍巍鳳閣前四時調玉燭萬斛吐

金蓮寶樹祥光燄璇穹璧月圓九重臨黼展百

辟侍瓊筵桃熟來王母雲開擁列仙宸章飛琰

翰大樂奏鈞天瑞氣浮雙觀歡聲動八埏戲呈

農社樂詩頌帝京篇願効封人祝皇圖億萬年

應制賦白象

聖主臨天位仁恩被八荒明時呈異質瑞氣感



瑤光貢獻辭炎服梯航入帝鄉色聯螭陛瑩清  
比玉麟祥漢室誇丹鳳周家詫白狼方今昭至  
德遠物自來王願効封人祝華夷永樂康

送陳教諭廷傑還湖口

溢江敷教雨京國重吹噓共載詞林筆新成大  
典書賜金分內帑置酒駐行車惆悵都門別那  
堪追歲除

題浙津歸權卷

鄉園何契濶客路重綢繆暑雨三橋月涼風孤

館秋離遙燕市酒歸權浙津舟明到雕陽郡題  
詩慰別愁

送朱文崗還朔州

都門秋欲盡雨雪已霏霏顧我同為客憐君未  
授衣計程還朔漠歸思繞庭闈別去重回首長  
空一雁飛

寄三甥

不見吾甥久相思欲斷腸龍龕曾聽雨雁塔憶  
傳觴白水心常在青瑣業豈荒他年看宅相不



獨魏元陽  
送高廷禮應薦之京

首石峰南祖帳開  
山花隄柳送離杯  
百壺酒盡青驪遠  
五綉風來彩鶴催  
楚國舊傳徐穉隱  
漢廷今重賈生才  
新詩不待函題寄  
乘輿同吟到鳳臺

送陶仲鈞還長樂

文園多病歎相如  
栗里何人問索居  
長樂稻田餘舊業  
毗陵瓜地復新鋤  
看花况是春風後  
歸

棹偏逢夜月初  
何事都門又成別  
臨岐無語獨躊躇

送林邦楚秀才以書成還吳航予將北上  
鳳臺臘盡曉霜微  
芳草新年染客衣  
我逐離聲隨北上  
君將行色賦東歸  
吳門斗酒聞鶯醉  
嚴瀨孤帆背雁飛  
若到閩中誇盛事  
相逢休道故人稀

題蘭溪鄭仲循廬隱卷

東郭高人結草廬  
不嫌紛雜市廛居  
宅邊種得



先生柳戶外時廻長者車半榻琴樽聊爾爾一  
庭風月自如如日來曉起渾無事課得兒孫讀  
舊書

夢徐道行

廿八人中最白蒼相逢每恨識君遲虚心猶抱  
霜臺節直道因懷國士知東角趨朝同獻納西  
清退食自委蛇年來不道交游少爾獨頻頻人  
夢思

隱居

龐君居鹿門鄭子耕谷口西山蕨正肥此樂君  
知否

溪居

綠水映柴門青山繞環堵機心久已忘白鷗是  
吾侶

客居

星霜兩鬢皤迢遞關河阻孤館動歸思芭蕉滴  
秋雨

舟居



生涯一葉舟五湖煙水濶扣舷歌滄浪波光漾  
秋月

長驅桑乾源破敵飛狐口萬里煙塵清月明擊  
刁斗

水閨居

欲救臨鏡慵畏見朱顏老無語下瑤階所思在  
遠道

送呂城壩官還舊治

秦淮臨別處月落早潮平離思如潮水相隨到

呂城

題黃典籍東州野堂圖

東州州上野堂幽卷幔湖山翠欲流京國到來  
鄉思遠白雲黃葉夢中秋

主公寄前山陳孔階

每憶相邀共嘯吟白雲生處老松陰寧知別後  
相思意漢水東流日夜深

送陳繼初赴京



歷代詩選 明陳思孝 三  
憶陪大阮竹林遊興入西湖上小舟今日白門  
分手處隨君清夢滿滄洲

寄靈峰無垢上人

生公說法闡師宗色相從前隔幾重遙想龍龕  
纔出定又還飛錫下靈峰

東州送晦堂禪師還柏山

龍河花下送師歸吳楚千峰一錫飛到日親朋  
如借問鄉心迢遞宦情微

題林洞虛碧蘿猿洞處

九峰溪上鬱嵯峨洞口陰陰長薜蘿聞道仙成  
猿亦去石牀丹竈碧苔多

送池景大之淳安訓導

酒盡都門惜解携客中送客意淒淒明朝疋馬  
嚴陵道無那青山杜宇啼

竹枝詞

別郎春盡似經年暗擲金釵當卜錢分明說在  
吳江上知是江頭若箇船

送謝秀才南歸



雪霽秦淮野水生客中無奈別同聲離心也似  
雲邊雁隨爾南歸向粵城

附陳思濟詩

諱航仲進公次子也  
有溪山集

題商山四皓

引領盼層巔遙見四老人蒼顏映綠水一一巖  
衣巾望之即再拜重其古先民或云黃輿綺于  
此避強秦至德尚可想遐蹤浩無隣翩然若儀  
鳳覽德翔秋旻亡國失大老興邦得祥麟威容  
動黼展問答何精神明兩有餘慶偏愛遂淪淪

至今仰遺烈英氣猶振振

題嚴子陵

飲盡桐江水采徧富春山不羨波底魚難垂手  
中竿耕鑿有真樂衡茆無苦顏一朝遇物色千  
里涉河關下車竟不屈特立人所難遂令天下  
士千秋仰遐觀

虎溪三笑

遠公禪門秀宴坐東林裏絕迹避喧囂不度虎  
溪水抑且偶忘形相邀過清泚忽聞於菟聲大



歷代詩選  
笑不能已元亮憤欲歛脩靜冠將委丰采動林  
巒聲音响涯涘逸韻當時稱高風後人紀載瞻  
撫斯圖詠歌仍仰止

古錦詞

妾有一匹錦欲作春風衣珍重不肯着十載藏  
光輝時時自拂拭彩色生羅幃不繡閒花草只  
作雙鴛飛天寒針線冷誰念妾心違

塞下曲

長城連大漠紫塞控邊陲千騎黑朔軍落日轅

門裏不戰氣偏驕角逐心更喜嘗聞衛霍功得  
遇風塵起如今息功利令人愁欲死

結交行

古人結交重相許勿頸捐生後人慕傾心瀝膽  
過弟兄意氣昂藏誰敢顧一朝勢去事稍移外  
貌未變心已離臨危忽作安身計前時相許成  
相欺君不見張耳陳餘最相愛印綬畢竟何人

佩

春風顛歌



歷代詩選 明陳思濟  
平生不信春風顛日日買醉春風前今朝始信  
春風惡桃花作雨柳飄綿衝狂擊盪上復下澎  
湃奔騰如怒馬恍疑威動四極隄又若氣振長  
平瓦遊人郊外意頗愁巨觥起浪難獻酬不如  
挈榼且歸去呼童載酒登南樓

古人賦得石上草

石上草何營營團團翠碧沿听生年年雨露滋  
不長歲旱乾枯應復萌根托紫泥裏葉竝白雲  
橫恍疑九節長生餌又若芝朮搖金莖老夫不

可結樵子難爲薪豈是天公愛靈物護此石上  
千年春

丙戌金陵作

金陵大道平如砥翠瓦雕甍相對起甲第縱橫  
盡王家金鞭絡繹多戚里王家戚里遙相連平  
隄走馬去朝天騎簇通衢看似繡香連內苑色  
疑煙煙連騎簇真堪玩倏忽朝回更蕭散五侯  
賓從集如雲四夷門館多迎款須臾教樂從天  
來齊歌趙舞皆柔諧愧我儒生眼未識日逐羸



馬隨飛埃飛埃撲人心草草風光只在長安道  
故鄉回首白雲遙歸去南山且終老

### 大溪山

大溪昔日風光好十家五家同一保雞犬相聞  
達曙喧曉鐘逋擊無昏早山人居山只食山種  
得稻梁心亦閒取柴斫竹白雲裏築垣分泉綠  
樹間山人于此自云樂飽食安眠甘澹薄里胥  
無復夜驚呼足跡都忘到城郭梵宮禪伯亦風  
流輒與文人相唱酬僧堂願作六時禮客館偏

能幾日留吁嗟此事猶眼見倏忽光陰去如箭  
至今惟有三家村出入豺狼心膽戰相逢路上  
多含哀辛苦如何說得來只將筋力付流水空  
把形容同死灰

### 龍龕禪寺追和王高二太史題壁詩

海上靈山孕神秀萬木蒼蒼碧雲溜山頭霽色  
襯朝霞樹裏嵐光宜晚照塵囂迥隔絕纖埃金  
仙之宅如蓬萊神房半自花間出定室多從松  
下開勝槩岩峩真絕境日極神馳與俱永飛巖



歷代詩選 明陳思濟 卷三十一 三  
踏上聽天鷄疊巘攢雲愁半嶺終南太華休爭  
奇其中佳趣人不知岩扉靜掩薜蘿月法水光  
涵祇樹枝不用傷心怨遲暮且須載酒隨玄度  
玉堂詞客解長歌揮灑何須便歸去自笑狂吟  
非等倫麗句從來貴有隣他年詔許還山日結  
社應須訪舊人

題山水扇面

林下春風來千年翠如璧雲擁羣木深溪廻百  
川寂中有幽人居清朝此投迹邂逅得良朋於

焉咏嘉客

感興

灼灼道傍花依依隄上柳榮華耀一時誰人不  
回首顏色信可憐春風不長久有酒且自斟母  
爲歎衰朽

後出塞

荷戈出門去親戚送我行各携一杯酒相勸事  
長征虜馬飲河朔胡塵暗東京努力報奇策一  
掃攬槍平



竹寺春耕

清溪深且廣遊鱗無曝腮洋洋各自適既去仍  
復來緬被垂釣翁終日坐蒼苔安知投緝意不  
與古人偕

玉溪晚釣

西山宜落日乃在桑榆間泛泛彩霞動啞啞飛  
鳥還倒影麗穹漢餘暉徧岩巒安得魯陽戈揮  
之起頽頽

山中作

空谷何曾出深林但隱栖采樵探古穴把釣傍  
清溪雲氣侵衣重山容入戶低只緣忘世事不  
是慕夷齊

山庄訪友

隔水問柴荆行行認犬聲野花當戶發谷鳥傍  
人鳴地癖堪招隱朋來暫輟耕惟應三徑裏斗  
酒話平生

秋興

龍龕高聳出煙霞御國低徊接海涯淺草牛羊



隨處放深林猿鶴自成家江潮洶湧朝仍暮沙  
逕逶迤曲又斜年少此遊今白髮倚筇無奈數  
歸鴉

再柬帶湖主人

休文何事減腰圍每日高樓坐不歸愛客真如  
忘寢食對人渾若不勝衣凭欄細數桃花落卷  
幔閒看越鳥飛似此清幽猶恨少溪移釣艇傍  
苔磯

江村卽事

平蕪縹緲浩無煙禾黍高低徧野田饁婦携筐  
遵小徑農夫荷鍤覘荒泉場坡瓜熟風當戶滄  
海漁歸月在船更喜清時無寇警長江迤邐得  
安眠

和贊善叔父尊韻

千里懷人念故鄉應多感慨遇重陽殷勤盡在  
詩編裏目極南天憶雁行

山水圖

數里平沙接遠村千重喬木蔭柴門可人最是



歷代詩選

明陳思濟

卷

滄洲晚潮落依稀見水痕

滄洲晚潮落依稀見水痕

天那

不無





律